

ያኩሲ ማዶ"ም ዳኪንቴ ጳውሎስ ዲሞቴዎስም ቤርታሲ ዳኬ ኪኢቶ" ዓይያ ካሮ"

ዲሞቴዎስ ጌይንታ ኪሪሰቶስ ጉሙርቃ ደጌሢኮ ሾይንታ ዳኮ" ዒሲያ ጌይታዘይዳ ማዓዛ፡ ዒንዶ ዜርፃ ዒዛኮ ዓይሁዴ፥ ዓዶ ዜርፃ ዓይሁዴ ማዒባኣ ጌሪኬ ዓሲኬ፤ ዒዚ ጳውሎስኮ ላጌ ማዔያ፥ ሃሣ ኮዡ ሃይሶ ኬኤዚያ ማዶ"ና ዴማ" ማዒ ዋላ" ማዳያኬ። ጳውሎስ ዒዛም ቤርታሲ ፃኣፔ ኪኢታ" ሃይሆ ዴኤፒ ዴኤፒ ማሊሢ ዓርቄያኬ።

ቢያፓ ቤርታሳያ፡- ዒዛኮ ኪኢታ" ሸኢጲያ ማኣሮይዳ ዔቄ ለኡዙሞ ዔርዚያ ዛሎ" ላቲ" ኬኤዛያኬ፤ ዬይ ዓኪ ማዔ ዔርዚያ" ዛሎ"ና ዓይሁዴ ዓሶ ማሊያ፤ ዛሎ"ና ሃሣ ዓይሁዴ ማዒባኣ ዓሳ ማላ ባኮ ዓርቄያ ማዓዛ፥ ዬና ማሊያ፡- «ሓይ ጴዳ ዓጫ" ጎሜና ፑርቲያ ማዔሢሮ ዓሲ ዳቃኒ ዳንዳዓሢ ዴማ ማዔ ዓኣሺንቴ ዔራቶና ጊንሣ ፔቴ" ፔቴ" ሙኡዚ" ሃሺ"ሢና ዔኩዋያ ጊንሣ ሎውዋያ ሃሺ"ሢናኬ» ጋዓያኬ። ሓሣ ጊንሣ ጳውሎስኮ ኪኢታ" ሸኢጲያ ማኣሮ ዋይሆንዶ ጎይሢና ያኦሲ ካኣሸከሢ ዋጌ፤ ሃሣ ሸኢጲያ ማኣሮ ዋይሢ ዓሶና ዔያቶኮ ዴማ" ማዒ ዋይሢያ ማዶ" ማዳ ዓሳ ዋይቲ ናንጋንዳቲያ ዔርዛ ማሊሢ ዓኣያኬ።

ጋፒንያይዳ ዲሞቴዎስ ዬሱስ ኪሪሰቶስም ኮሺ ማዳያ ዋይቲ ማዓኒ ዳንዳዓቲ፤ ሃሣ ዴማ ዴማ ኪሪሰቶስ ጉሙርቃ ዓሶ ዛሎ" ዒዛም ዒንጊንቴ ማዶ" ዛሎ" ጳውሎስ ዒዛ ዞራ ዞሮ ዓኣኤ።

ማፃኣፔላ ዴማ ዴማ ዓርቄ ባኮ

ዓይያ ካሮ" 1፥1-2

ሸኢጲያ ማኣሮ ዛሎ" ዓይሢንቴ ዓይሥሢ 1፥3—3፥16

ጳውሎስ ዲሞቴዎስም ዓይሢ ዓይሢያ 4፥1—6፥21

¹ ኑና ዳቂሻያ ማዔ፥ ያኣዛሢና ኑኡኮ ሃጊ ማዓንዳ ዋዛሢ ማዔ፥ ዬሱስ ኪሪሰቶስ ዓይሢያና ዬሱስ ኪሪሰቶስም ዳኪንቴ ማዳ ጳውሎስይዳ፡-

² ያኦሲ ጉሙርቄያ ዛሎ"ና ጎኔ ታኣኮ ናዓሢ ማዔ፥ ዲሞቴዎስም፤

ኑ ዳዊሢ፡ ያከዛሢ፡ ሃሣ ኑ ጎዳሢ፡ ዬሱስ ኪሪስቶስ ይዳገ
ኮሹሞ ዒንጊያና ማእሪሢና ሃሣ ዋዛና ኔኤም ማዖንጎ።

ሉኡዙሞና ዔርዞ ዔርዚያ ዛሎ" ኬኤዚንቴ ባኮ

3 ታኣኒ ማቂደኒያ ዓኣዲቤቃ ኔኤም ላቲ" ኬኤዜ ጎይያ
ዔፕሶኔይዳ ዴዔ፤ ዒኢካ ዓኣ ፔቴ" ፔቴ" ዓሳ ሉኡዙሞ ባኮ
ዔርዙሞጉዲ፤ 4 ሃሣ ዓሳ ማዒባኣ ሃይሴና ጋፒንሢባኣ፤ ዓሶ ዜርያ
ፓይደይዳ ጌሉዋጉዲ ዔያቶም ኬኤዜ፤ ዬያጉዴ ባካ ማርሞ
ማከፋገጋቲም ጉሙርቂሢና ማዲንታ ያኣሲ ማደ"ም ማኣዳ"
ባኣዚ" ባኣያኬ። 5 ሃያ ዓይሢያኮ ማሊያ ጋዓንቴ ጌኤሺ ዒናፓ፤ ኮሺ
ማሊሢ፡ ሃሣ ጎኔ ጉሙርቂሢ፡ ጴዳ ናሹሞ ዛላኬ። 6 ፔቴ"
ፔቴ" ዓሳ ዬንሢ ባካ"ፓ ዱማዲ ፓሡዋ ማርሞ ባንሢ ማዔኔ።
7 ዬያ ዔያታ ማዲሢ፡ ሙሴ ዔርዜ ዋጎ ዔርዞ ዓሶ ማዓኒ ኮዒ
ማዓንዳገገጋቲም ዔያታ ማርማ ባኮ ዛሎ" ኮሺ" ዔሩዋያኬ፤ «ጎኔ
ባኣዚ"ኬ» ዔያታ ጋዓ ባኮዋ ጳቂሢ ዔሩዋያኬ።

8 ዓሲ ሙሴ ዋጎ ፒዜ ማሊሢ ማደይዳ ፔኤሼቶ ዋጋ"
ኮሺ ማዔሢ ኑ ዔራኔ፤ 9 ሃሣ ዬይ ዋጋ" ኬሰኬሢ ኮዢ ዓሶም
ማዒባኣሢ ኑ ዔራኔ፤ ዋጋ" ኬሰኬሢ፡ ዓይሢንቶ ዒያ ዓሶና ፑርቶ
ማደ ዓሶናም፡ «ያኣሲ ዔሩዋሴ» ጋዓ ዓሶና ጎሞ ዓሶናም፡ ያኣሲም
ማዒባኣ ዓሶና ዓያኖ ዛሎ" ባኮ ቦሃ ዓሶም፡ ዓዶና ዒንዶና ዋደ
ዓሶና ዓሲ ዋደዘንሢናም፡ 10 ማሻ ሃሣ ዒኒ ማዒባኣ ዓሶና ላሃ
ዓሶም፡ ዓቲንቆና ላሃ ዓቲንቆም፡ ዓሲ ሻንቺ ኮርማ ዓሶና ሉኡቃ
ዓሶናም፡ ሉኡዙሞና ጫኣቃዘንሢና ጎኔ ማዔ ባኮ ዔርዚያይዳገ
ዱማ ማዔ ባኣዚ" ማደ ዓሶምኬ፤ 11 ዬና ጎኔ ማዔ ባኮ ዔርዚያ
ጴዳሢ ዓንጂንቴ ያኣዛሢም ታ ማደንዳጉዲ ታኣም ዒንጌ ኮዢ
ሓይሶይዳገኬ።

ጳውሎሴ ያኣሲ ኮሹሞር ጋላቴ ጋላቶ"

12 ታና ፔ ማደ"ም ደኣሪ፡ ጉሙርቂንታያ ማሂ ታና ፓይዴ፡ ዋልቆ
ታኣም ዒንጌ፡ ኑ ጎዳሢ ዬሱስ ኪሪስቶስ ታ ጋላታኔ። 13 ዋዚ
ሓያኮ ቤርታ ኪሪስቶስ ታ ጫሽኬያ፡ ዒዲ ዳውሴያ ሃሣ ሱንፆዋ
ታ ዒዛኮ ባይዚሴቴያ ዒዚ ታኣም ዬያ ጉቤ ዓቶም ጌዔኔ። ዓይጎር
ጌዔቴ ዬያ ቢያ ታ ማደሢ፡ ዔሩዋያ ሃሣ ታ ዒዛ ጉሙርቂባኣያ
ማደሢርኬ። 14 ዬሱስ ኪሪስቶስና ዋላ" ኦኡኮ ዓኣ ፔቱሞ ዛሎ"ና
ጴዳ ጉሙርቂያና ናሹሞና ዋላ" ያኣሲኮ ኮሹሞ ዒንጊያ ባሼና
ታኣም ሚርጌኔ። 15 «ዬሱስ ኪሪስቶስ ጎሞ ዓሶ ዳቂሻኒ ሃያ ዓጮ"

ሙኬኔ» ጋዓ ቃኣላ" ጎኔ ሃሣ ዓሲ ቢያ ጉሙርቂ ዔካኒ ኮይሳያኬ፤ ጎሞ ዓሶ ቢያሣዳፓ ባሽ ጎሞሲ ታናኬ። 16 ጋዓንቴ ዬሱሰ ኪሪሰቶሴ ዒዛ ጉሙርቃዞንሢና ናንጊና ናንጊ ዴንቃንዳዞንሢናም ጋፑዋ ጊቢ" ዳንዳዒያ ጎሞ ዓሶፓ ባሽ ማዔሢ፤ ታና ኮኣኪንሢ ማሂ ዳዋኒ ጎሞ ታኣም ዓቶም ጌዔኔ። 17 ዬያሮ ናንጊና ካኣቲ ማዔ፤ ሃይቁዋኣሢም፤ ሃሣ ጴዲዋ፤ ፔቴ" ያኣዛሢም ቦንቾና ጋላታና ናንጊና ዒዛም ማዖንጎ፤ ዓኣሚን።

18 ታ ናዓሢዮ ፪ሞቴዎሴ! ሃያኮ ቤርታ ኔ ዛሎ" ኬኤዚንቴ ያኣዛሢ ማሊያጉዴያ ሓያ ዓይሢያ ታ ኔኤም ሃዳርሲ ዒንጋኔ፤ ያኣሲ ማሊያ ኬኤዚንቴ ጎይያ ዛጊ ያልቴ፤ 19 ያኣሲ ጉሙርቂሢና ኮሺ ዒኔና ኔኤኮ ዓኣያ ማዖንጎ፤ ፔቴ" ፔቴ" ዓሳ ዒኔ ባይቂ ፔኤኮ ጉሙርቂያ ዣኣሊሲ ባይዜኔ። 20 ዔያቶ ባኣካ"ፓ ሄማኔዎሴና ዒሰኪንዲሬና ዓኣኔ፤ ዔያታ ያኣሲ ጫሽኪያ ሃሻ"ንዳጉዲ ዓላሄም ታ ዔያቶ ዳኪ ሃሽ"ያኬ።

2

ሺኢጲያ ማኣራ ያኣሲ ካኣሽኮንደ ጎይሢ

1 ዓካሪ ቢያፓ ቤርታሲ ኔ ዛላ፤ ሜሌ" ዓሲ ዛላ ሓሣ ዓሲ ዛላ ቢያ ሺኢቃንዳጉዲና ጋላታንዳጉዲ ታ ኔና ዘራኔ። 2 ዓያናና ዓኣ ዓሲ ማዒ ሃሣ ኮሺ ዓሲ ማዒ ኮሹሞና ዚቲዮ ጌይ ኦ ናንጋንዳጉዲ ባሽ ካኣቶ"ና ቢታንታ ዓኣ ዓሶናም ሺኢቁዋቴ። 3 ዬይ ኦና ዳቂሻ ያኣዛሢም ኮሺ ማዔያ፤ ሃሣ ዎዛሳያኬ። 4 ዓይጎሮ ጌዔቴ ያኣሲ ማሊያ ዓሲ ቢያ ዳቃንዳጉዲና ጎኑሞ ዔራንዳጉዲ ማዔሢሮኬ። 5 ያኣሲ ፔቴ"ኬ፤ ዓሲና ያኣሲና ባኣካ" ማዒ ጊኣጊሻሢ ፔቴ"ኬ፤ ዬይያ ዓሲ ማዔ፤ ዬሱሰ ኪሪሰቶሴኬ። 6 ዓሲ ቢያ ጎሜፓ ጌኤሺ" ዔካኒ ፔና ዓሶ ዛሎ" ዓኣሢ ዒንጌሢ ዒዛኬ፤ ዬይ ኮይሳ ዎዳ" ሄላ"ዛ ያኣሲ ዓሲ ዳቂሻኒ ማሌ ማሊያ ዔርዛ ማርካ ማዔኔ። 7 ታኣኒያ ያኣሲ ጉሙርቂሢና ጎኑሞና ዛላ ኬኤዛንዳጉዲ ያኣሲ ማደ"ም ዳኪንቴያ፤ ሃሣ ዔርዛ ዓሲ ማዒ ዓይሁዴ ማዒባኣ ዓሶም ዳኪንቴሢ ዬያሮኬ፤ ዬያ ታ ጎኔ ኬኤዛፓዓቴም ሉኡቁዋሴ።

8 ዓካሪ ቢያ ቤዘይዳ ዓኣ ያኣሲም ደማዴ ዓቲንቃ ጎሪ"ንቲና ዑራና ሃሺ" ኩጮ ሌካ ዔቂሲ ያኣሲ ሺኢቃንዳጉዲ ታ ኮዓኔ። 9 ዬያጉዲ ላኣላ ሃሣ ቶኦኪ ማዢሢና ዎርቁ ፓልሞ ፓልሚሢና ሚዛጶ ፓልማ ዓኣያ፤ ሃሣ ጊንሣ ሚርጌ ሚኢሺ ዔካ ማኣያ ማይንቴ ፓልሚሢቁዋንቴ ሺሌዑሞና ፔኤም ኮይሳ ማኣያ ማይንቶንጎ።

10 ያኦሲ ካኦሽካኔ ጋዓ ላኦላ ማዳኒ ኮይሳ ጎይያ ኮሺ ማዶ ማዳሢና ፓልሚንቶንጎ። 11 ላኦላ ዚቲ ጌይሢና ዓይሢንቲሢና ዋይዚ ዔራያ ማዶንጎ፤ 12 ላኦላ፡ ዓቲንቁ ዔርዛያና ዓቲንቁ ዋይሢያ ማዓንዳጉዲ ታ ኮዑዋሴ፤ ዒዛ ዚቲ ጋዓንዲያ ኮይሳኔ። 13 ዓይጎር ጌዔቲ ቤርታ ማዢንቲሢ ዓዳኦሜኬ፤ ጊንፃፓኬ ሐዋና ማዢንቲሢ። 14 ሃሣ ጊንሣ ፃላሄና ጌሺንቲዘና ያኦሲኮ ዓይሢያ ዳቢ ሐሼ"ዛ ላኦላሎ ማዓንዳኦፓዓቲም ጌሺንቲሢ ዓዳኦሜቱዋሴ። 15 ያዲ ማዔቲያ ላኦላ ያኦሲ ጉሙርቁሢና ናሹሞና ዓኦያ ማዒ ሃሣ ያኦሲም ፔና ዲማሲ ዶዴቲ፡ ጊንሣ ሼሌዔ ማዒ ናንጌቲ ናይ ሹይሢና ዳቃንዳኔ።

3

ሺኢጲያ ማኦር ዋይሢ ዓሶ ዛላ

1 «ፔቲ" ዓሲ ሺኢጲያ ማኦር ዓሶ ዋይሢ ዓሲ ማዓኒ ኮዔቲ ኮሺ ማዳኒ ኮዓኔ» ጌይንታ ቃኦላ" ጎኔኬ። 2 ዬያር ሺኢጲያ ማኦር ዓሶ ዋይሢ ዓሲ ያዲ ማዓኒ ኮይሳኔ፡- ድንኪሳ ባኦዚ" ባኦያ፡ ፔቲ" ላኦላ ዔኬያ፡ ኮይሳ ጎይሢ ናንጋያ፡ ፔና ዔሪ ዋይሢያ፡ ቤሲ ዔሪ ማዳያ፡ ዓሲ ሹኦቹንሢ ዔካያ፡ ዓሲ ዔርዛኒ ዳንዳዓያ፡ 3 ዑሽኪ ማሢንቲዋያ፡ ዓሲና ዣሉዋያ፡ ሼሌዔ ዓሲ፡ ኮሺ ዓሲ፡ ሚኢሼ ባሼ ናሽኩዋያ፡ 4 ፔ ናኦቶ" ዒዛም ዓይሢንታያና ቦንቻያ ማሢ ዲቹ፡ ፔ ማኦር ዓሶ ኮሺ ጎይሢና ዋይሢ ዓሲ ማዓንዳያ ኮይሳኔ። 5 ዓሲ ፔ ማኦር ዓሶ ዋይሢ ዳንዳዒባኦያ ማዔቲ ያኦሲ ዓሶ ዋዲ" ዋይሢ ዳንዳዓንዳይ! 6 ፃላሄ ያቶርሞና ሄርሺንቲ ሎኦሚ፡ ፑርታና ዋጊንቲ ጎይያ ማዑዋጉዲ ኪሪሰቶሴ ጉሙርቁ ዶዲባኦ ዓሲ ሺኢጲያ ማኦር ዓሶ ዋይሢያ ማዶፓ። 7 ድንኪንታ ዓሲ ማዒ ፃላሄ ፒርይዳ ጌሉዋጉዲ ኪሪሰቶሴ ጉሙርቁዋ ዓሳ «ኮሺ ዓሲኬ» ዒዛ ጋዓያ ማዶንጎ።

ሺኢጲያ ማኦርይዳ ዲያቆኔ ማዒ ማዳ ዓሶ ዛላ

8 ዬያጉዲ ሺኢጲያ ማኦርይዳ ዲያቆኔ ማዒ ማዳ ዓሳ ቦንቹንታያና ጌሰታ ጌኤዘና ጉሙርቁንታያ፡ ሚርጌ ዑሺ ሱኦካዲዋያ፡ ሚኢሼ ዳንቃኒ ሌሊ ጳሽኪ ሃንቱዋያ፡ 9 ኪሪሰቶሴ ጉሙርቁዋ ዛሎ"ኮ ዓኦሺንቲ ማሊያዋ ጌኤሺ ዒናና ዔሪ ካፓያ ማዓኒ ኮይሳኔ። 10 ዔያታ ቤርታዲ ዛጊንቲ ዔርቶንጎ፤ ዬካፓ ድንኪሳ ባኦዚ" ባኦያ ማዒ ጴዴቶ ሺኢጲያ ማኦር ዓሶ ዋይሢ ዓሶ ማኦዲ"

ማዳዘንህ ማዎንጎ። 11 ዬያጉዲ ሃሣ ላኦላ ዔያቶኮ ኮሺ ዓሲ ሃሣ ዓሲ ድንኩዎያ፡ ኮይሳ ጎይሂ ናንጋያ፡ ቢያ ባኦዚ "ናኦ ጉሙርቂንታያ ማዓኒ ኮይሳኔ። 12 ማኦዲ" ማዳ ዓሳ ፔቲ" ላኦላ ዔኬያ ማዓኒ ኮይሳኔ፤ ሃሣ ፔኤኮ ናኦቶ"ና ማኦሮ ዓሶና ኮሺ" ባርቂ ዎይሃያ ማዓኒ ኮይሳኔ። 13 ማኦዲ" ማዲያና ኮሺ ማዳ ማዳዘንህ፡- ዴኤፒ ቦንቺንተሂና ዬሱስ ኪሪሰቶሴ ጉሙርቂዎ ዛሎ"ዎ ጫርቂ ኬኤዛያ ማዓንዳኔ።

የኦሲ ፔጋሴ ዴኤፓ ዓኦሺንቲ ማሊያ

14 ሐያ ኪኢቶ" ታ ኔኤም ፃኦፓኦና ዑኬ ታ ኔና ሙኪ ዛጋንደሂ ጉሙርቂኬ። 15 ታ ኔጌያ ማዔቲያ የኦሲ ማኦራ ዓሳ ዎዲ" ናንጋንዳቲያ ኔ ዔራንዳጉዲ ጌይ ታ ኔኤም ሃያ ፃኦፓኦ፤ ዬና ማኦሮ ዓሳ ጎኦዋኮ ቱርቱርና ቦኦኮላሂና ማዔ፡ ናንገና ባይቁዎ የኦዛሂ ጉሙርቂ ዓሶኬ። 16 ኦኤኮ ካኦሽኪያኮ የኦሲ ፔጋሴ ዓኦሺንቲ ማሊያ ጎኔና ዴኤፒኬ፤ ዬይያ ኪሪሰቶሴ ዛሎ"፡-

«ዓሲ ማዓ ዴዴሂ

ጎኦማ ዓያናና ዔርቲሂ

የኦሲ ኪኢታንቸዎ ዴዴሂ

ዴሮ" ቢያም ኬኤዚንቲሂ

ዓጮ"ይዳ ዓኦ ዓሳ ጉሙርቂሂ

ቦንቸና ሌካ ጫሪንጮ ዔውቲሂ» ጋዓሂኬ።

4

ሉኡዙዋና ዔርዛ ዓሶ ዛላ

1 ዓያና ጌኤሺ፡- «ጋፒንያ ዎድ" ባንሂ ማዓኦና ፔቲ" ፔቲ" ዓሳ ደቢሻ ዓያናና ፑርታ ዓያናናይዳፓ ማዔ ዔራቶ ዔኪ የኦሲ ካኦኾ ሃሻ"ንዳኔ» ጌይ ፔጋሲ ኬኤዛኔ። 2 ዬያጉዲ ዔርዚያ ኬሰካሂ ዔያቶኮ ዓና" የይዴ ዓንገና ሚቺንቲ ዑሂጉዲ ደጩያ ማዔ፡ ጎኔ ማሊሲ ሉኡቂ ኬኤዛ ዓሶይዳፓኬ። 3 ዬያጉዲ ዓሳ ዔፒ ላኦጋኔ፤ ሐሣ የኦሲ ጉሙርቂ ዓሶና ጎኦዎ ዔራ ዓሳ የኦሲ ጋላቲ ጋላቲ ሙዑዋጉዲ የኦሲ ማዜ ሙዎ «ሙዒፖቲ» ጌይ ጌይ ላኦጋኔ። 4 ጋዓንቲ የኦሲ ማዜ ባካ ቢያ ኮሺኬ፤ የኦሲ ጋላቲ ሙይንቲያ ማዔቲ ሃሺ"ንታ ባኦዚ" ባኦሴ። 5 ዎይቲ ጌዔቲ የኦሲ ቃኦላ" ጌዔ ጎይያ ዒንሂኮ ሺኢጲያና ሙይንታኒ ዳንዳዓያ ማዓንዳኔ።

ጳውሎሴ ፪ዋቱዎሴዎ ዞሬ ዘር

6 ሐያ ባኮ ኪሪሰቶሴ ጉሙርቂ ዓሶም ኔ ኬኤዚ ዔርዚቶ የኦሲ ጉሙርቂዎ ቃኦሎ"ና ኮኾ ዔርዚያና ዎይዚ ዎይዚ ዲጩያ፡ ዬሱስ

ከሪስቶሴም ኮሺ ማዳያ ማዕረግ ይያና ኔ ማርካሳንዳኔ። 7 ጋርቹ ለአሎኮ ፓሠቀ ሐይሶና ሃያ ዓጮ"ኮ ጉሪ ማዕ ያይሶይዳፓ ሃኪ፡ ዓያና ዛላ ባኣዚ" ማዲ ማዲ ዓሬ። 8 ዑሢ ዶዲሻኒ ማዲንታ ማዲ ዳካ" ዎዴሮ ማኣዳ"ኔ፤ ዓያና ዛላ ባኣዚ" ማዲ ማዲ ዓሬሢ ጋዓንቲ ሐሢያ ማዎም ሃጊያ ማዓንዳ ናንጎም ዎዛ ዓኣያ ማዕረግ ሲያሢም ማኣዳ"ያከ። 9 ዬይ ዓሲ ሲያ ዓሬኒ ኮይሳ ጎኔ ሐይሴከ። 10 ኦኡኒያ ማታዲ ማዳና ላቢ"ንታሢ ይያሮከ፤ ዓይሳሮ ጌዔቲ ኦኡኒ ሃጊ ማዓንዳ ዎዛ" ጌሣሢ ዓሶ ሲያ፤ ባሽና ሐሣ ያኦሲ ጉሙርቃ ዓሶ ሲያ ዳቂሻያ፡ ባይቁዋ፡ ያኦዛሢዳታሢሮከ።

11 ሃንሢ ባኮ ዓሶ ዓይሢ፤ ሃሣ ዓርዘ። 12 ኔኤኒ ዴጌ ማዕረግ ያኦኒያ ኔና ቦሆፓ፤ ኔኤኒ ጋዓንቲ ጌሰታ ጌኤዘና፡ ናንጋ ናንጎና፡ ናሹዋና፡ ያኦሲ ጉሙርቁዎና ሃሣ ኔ ናንጎ ዒኢሳ ባኣዚ"ፓ ጌኤሺ" ካፒሢና ከሪስቶሴ ጉሙርቃ ዓሶም ኮሺ ማላታ ማዕ። 13 ታኣኒ ኔ ኮራ ሙካንዳያ ሄላ"ንዳኣና ጌኤዙ ማፃኣፓ ዴሮ"ም ናባቢሢና፡ ከኤዚሢና፡ ዓርዘሢና ዶዴ። 14 ያኦሲ ማሊፃ ኔኤም ከኤዚንቲ ዎዶ"ና ሐሣ ሺኢጲያ ማኣሮ ዎይሣ ጨማ ኔ ዑፃ ኩጮ ጌሣ ዎዶ"ና ኔኤም ዒንጊንቲ ዓያና ዒንጊያ ማዳይዳ ፔኤሺያ ዋሊ"ፖ። 15 ኔኤኮ ዲጨያ ዓሳ ሲያ ዴንቃንዳጉዲ ዬንሢ ባኮንሢ ዶዲ ማዴ፤ ሃሣ ዬንሢ ባኮ ናንጎም፤ 16 ኔ ዛሎ"፤ ሃሣ ኔ ዓርዘ ዓርዘያ ዛሎ" ኔና ዓሬ፤ ዬንሢ ባኮንሢ ዶዲ ማዴ፤ ዬን ኔ ማዴቲ ኔናንታ ኔኤፓ ዎይዛ ዓሶንታ ኔ ዳቂሻንዳኔ።

5

ዓሲ ማኣዲ"ሢ ዛላ

1 ጋርቹ ዓቲንቆ ዓዶ ማሢ ዛጊ ዘዘራንዳኣፓዓቲም ጎሪ"ፖ፤ ዴጌ ዓቲንቆ ናኣቶ" ኔኤኮ ጌርሲንሢ ማሢ፡ 2 ሃሣ ጋርቹ ለአሎ ኔኤኮ ዒንደንሢ ማሢ ዛጌ፤ ዬያጉዲ ዴጌ ዉዲሮ ናኣቶ" ኔኤኮ ጌርንሢ ማሢ ጌኤሺ ዒናና ዛጌ።

3 ጎኔና ዜኤሪይንዶ ማዒ፡ ማታዴ ለአሎ ዛጊ ማኣዴ"። 4 ዜኤሪይንዶ ናይ፤ ሃሣ ናኣዚ" ናይ ዓኣቶ ዬንሢ ናኣቶ"ንሢ ፔ ማኣሮ ዓሶ ማኣዴ"ያ ሃሣ ዓያቶ ሾዔ ዓሶና ዓሆ፡ ማዎ ማዕ ዓሶም ኮሺ ማዲ ማሃኒ ኮይሳያ ማዕረግ ዓርሳሮ ጌዔቲ ዬይ ያኦሲ ዎዛሳያ ማዕረግ። 5 ጎኔና ዜኤሪይንዶ ማዒ፡ ፔኤሪ ናንጋዛ ፔኤኮ ሃጊ ማዓንዳ ዎዛ" ያኦዛሢዳ ጌሢ፡ ዋንቲና ሮኦሪና ያኦሲ ማኣዳ ኮዒ፡ ዒዛ ሺኢጲሢና ዶዲ ናንጋኔ። 6 ሓያ ዓጮ" ዎዛ" ሌሊ ናሽካ፡ ዜኤሪይንዶ ማዕ ለኣላ ጋዓንቲ ዓቂ ዓኣያ ሐይቂያከ። 7 ዓኤቢ ዶንኪሳ ባኣዚ" ባኣያ ማዒ ናንጋንዳጉዲ ዓያቶ ዞሬ።

ዬሱስ ኪሪስቶስና ሃሣ ዶኦሪንቴ ኪኢታንቸና ማርካ ማሂ ታ ኔኤም ኬኤዛኔ። ²² ያጊዳኣ ኔ ኩጮ ጌሥሢና ዶኦሪኒ ሩኡሪፖ፤ ማሌ" ዓሰና ዋላ" ጎሜ ማዲሢሮ ፔቴ" ማዲፖ፤ ኔ ቶኦኮ" ጌኤሺ" ካፔ።

²³ ኔኤኮ ጎጾ ዶርዓሢና ቢያ ዋዴ ኔና ሃርጋ ሃርጎ ዛሎ" ዋይናፓ ኮሾ"ና ዑዦ ጳካ" ዑሽኬ፤ ዋኣሢ ሌሊ ዑሽኪፖ።

²⁴ ፔቴ" ፔቴ" ዓሶኮ ጎማ ዔርቴያ ማዒ፡ ጋፒንያ ዋጎ ኬላ" ሄሎ"ዋንቴ ቤርታዲ ዔያቶ ዓርቃኔ፤ ዛሎ" ዓሶ ጎማ ጋዓንቴ ጊንፃዲ ዓርቃኔ። ²⁵ ዬያጉዲ ኮሺ ማዶ ፔጋኣኬ፤ ፔጋ ማዒባኣያ ዓቴ"ያ ያዲ ዓኣሺንቴ ዓታ"ዓኬ።

6

ዓሶኮ ዓይሌ" ማዒ ማዶ ዓሶም ኬኤዚንቴ ዞር

¹ ያኦሲ ሱንያና ኑ ዔርዛ ዔርዚያና ጫሽኪንቴዋጉዲ ዓሶም ዓይሌ" ማዒ ማዶ ዓሰ ቢያ ዔያቶ ዋይሣ ዓሰ ቦንቹንታኒ ኮይሳሢ ዔርንጎ። ² ዔያቶ ዋይሣ ዓሰ፡ ኪሪስቶስ ጉሙርቃ ዓሲ ማዔ፡ ጎዳ ዬሱሴ ሱንያና ዔያቶኮ ዒሾንሢ ማዔሢሮ ዓይሎ" ማዔ ዓሰ ፔኤኮ ዋይሣ ዓሶ ቦሆፓ፤ ዔያታ ማዶ ማዶ"ና ማኣዲ"ንታ ዓሰ ኪሪስቶስ ጉሙርቃናና ናሽኪንታ ዒሾንሢ ማዔሢሮ ቤርታኣሰካፓ ባሼ ዔያቶም ማዶንጎ። ዬያሮ ኔኤኒ ዔርዛንዳያና ዞራንዳያና ኮይሳሢ ዬያኬ።

ሚኢሺ ናሹዋ

³ ጎኔ ያኦሲ ካኣዦና ዋላ" ፔቴ" ማዔ ባኮ ዔርዚያ፤ ሃሣ ጎዳ ዬሱሴ ኪሪስቶስኮ ጎኔ ቃኣሎ" ሃሺ"፡ ዲማዴ ባኣዚ" ዔርዛ ዓሲ ዓኣቶ፡- ⁴ ዬይ ዓሢ ያፖቶርቃያኬ፤ ዔራ ባኣዚ"ያ ባኣያኬ። ጋዓንቴ ፔቴ" ጌይንቴ ባኣዚ"ዳ ማርሚሢና ዣሊሢናኮ ፑርታ ሱኡኬ ዓኣያኬ፤ ዬይ ባካ ቂኢሩዋ፡ ዑራ፡ ጫሺ፡ ፑርታ ዓልቲሢንታ፡ ⁵ ዒና ባይቄያና ጎኑዋባኣ ዓሲ ማዣ ጋፑዋ ማርሞንታ ዔኪ ሙካኔ። ዬያጉዴ ዓሶም ያኦሲ ካኣሽኪያ ቆሎ ዴንቂሢኮ ካራ ማዒ ጴዳኔ።

⁶ ጎኔና፡ «ታኣም ዓኣሢ ጊዳንዳኔ» ጋዓ ዓሲም ጋዓንቴ ያኦሲ ካኣሽኪያ ዑሣ ዓኣዴ ያርጎቹዋኬ። ⁷ ዓይጎሮ ጌዔቴ ሃያ ዓጮ" ዓይጎዋ ኑ ዔኪ ዬዒባኣሴ፤ ሃሣ ሃያ ዓጮ"ፓ ዔኪ ኑ ዓኣዳንዳ፡ ዓይጎ ባኣዚ"ያ ባኣሴ። ⁸ ጋዓንቴ ኑ ሙዓንዳ ባኣዚ"ና ማኣዳንዳ ባኣዚ"ና ዴንቄቴ ኑም ጊዳንዳኔ። ⁹ ያርጎቹ ማዓኒ ኮዓዞንሢ ጋዓንቴ ዳቢሻ ፒሮይዳ ጌሊ ዓሲ ፑርቲሳያና ባይዛ፡ ፓሠዋያና ሜቶ ማዔ ሱኡኬይዳ ዓርቂንቴ ሎኦማንዳኔ። ¹⁰ ዋይቲ ጌዔቴ ሚኢሺ ኮሺ"

ናሽኪሢ ፑርቱሞ ቢያኮ ካራኬ፤ ፔቴ" ፔቴ" ዓሳ ሚኢሽ ዴንቃኒ ሱኡካዲያና ያኦሲ ጉሙርቂዳፓ ሃኪ፤ ፔ ናንጎ ሜቶይዳ ዓጌ።

ጳውሎስ ዲሞቴዎሴም ዓይሢ ባኮ

11 ኔኤኒ ያኦሲ ዓሢዮ! ዬያ ቢያይዳፓ ሺኢኬ፤ ዲሎ"ሞ፤ ጎኔ ዓያናና ዓኣ ዓሲ ማዒሢ፤ ያኦሲ ጉሙርቂሢ፤ ናሹሞ፤ ጊቢ" ዳንዳዒሢና ሹሌዑሞና ዓኣያ ማዒ። 12 ያኦሲ ጉሙርቂዳ ዛሎ"ና ዓኣ ኮዡ ያሎ ያልቴ፤ ሚርጌ ዓሶ ቤርቶይዳ ኮሺ" ጉሙርቂንቲሢና ኔ ማርካዴ፤ ሃሣ ዬያም ኔ ዔኤሊ"ንቴ፤ ናንጊና ናንጎይዳ ዶዴ።

13 ቢያ ባኣዚ"ም ሸምፖ ዒንጋ፤ ያኣዛሢንታ ሃሣ ጳንያሰጺላያሴ ቤርታ ጎኑሞ ዛሎ" ማርካዴ፤ ዬሱስ ኪሪሰቶሴንታ ማርካ ማሂ ታ ኔና ዓይሢ። 14 ኑጎዳሢ፤ ዬሱስ ኪሪሰቶሴ ሙካንዳያ ሄላ"ንዳኣና ሃያ ዓይሢዳ ዳቢንቲ ባኣያና ዶንኪሳ ባኣዚ" ባኣያ ማዒ ካፔ።

15 ኪሪሰቶሴኮ ሙኪያ ኬላ" ዓንጂንቲያና ፔኤሮ ዋይሣያ ማዒ፤ ካኣቶ"ኮ ካኣቲ፤ ጎዳቶኮ ጎዳ ጌሢ ኬሎ"ና ማዒንዳኔ፤ 16 ዒዚ ሌሊ ሓይቁዋያኬ፤ ሃሣ ያኦኒያ ባንሢ ዑካኒ ዳንዳዑሞ፤ ፖዒዳ ዒ ናንጋያኬ፤ ዒዛ ፔቴ"ታያ ዛጌ ዓሲ ባኣሴ፤ ሃሣ ያኦኒያ ዒዛ ዛጋኒ ዳንዳዑሞ። ቦንቾና ዋልቄና ናንጊና ዒዛም ማዖንጎ፤ ዓኣሜን።

17 ሓያ ዓፄ"ኮ ያርጎፄ ዓሳ ያቶርቂዋጉዲ ሃሣ ሃጊ ማዒንዳ ዋዘ" ዔያታ ፔኤኮ ባይቃ ቆሎ"ይዳ ማሁዋጉዲ፤ ዔያታ ጌሣ ሃጊ ማዒንዳ ዋዘ" ኑና ዋዛሳኒ ቢያ ባኣዚ" ዑሣ ዓኣሢ ኑም ዒንጋ፤ ያኣዛሢ ዑፃ ማሃንዳጉዲ ዘሬ። 18 ሃሣ ኮሺ ማዶ ዔያታ ማዳንዳጉዲ፤ ዬያ ማዶ" ማዲያና ዔርቲ ዓሲ ማዒንዳጉዲ ሃሣ ዔያቶኮ ዓኣ ባኮ ዒንጋኒና ፓቂ ጊሽታኒ ናሽካያ ማዒንዳጉዲ ዘሬ።

19 ዬያ ማዲያና ጎኔ ናንጎ ዴንቃኒ ዓይፃ ዶዲ ማዒ፤ ቆሎ" ሃጊ ሙካንዳ ዋደ"ኮ ፔኤም ዔያታ ቡኩሳያ ማዒንዳኔ።

20 ዲሞቴዎሴ! ያኦሲ ኔኤም ዒንጌ ባኮ ቢያ ካፔ፤ ዔራቶቱዋንቴ «ዔራቶኬ» ጌይንቴ፤ ፓሁዋ ዣላሢና ማርማሢ ሃሹ"። 21 ፔቴ" ፔቴ" ዓሳ፡- «ዬያጉዴ ዔራታ" ኑኡኮ ዓኣኔ» ጌዒ ያኦሲ ጉሙርቂዳ ጎይያ ሃሺ" ኬሰኬ። ያኦሲኮ ኮሹሞ ዒንጊያ ኔኤና ዋላ" ማዖንጎ።

ጌሌዝ ማግኒት

The Holy Bible in the Maale language of Ethiopia, using Ethiopic script

copyright © 2015 The Word for the World International and The Bible Society of Ethiopia

Language: Maale

Translation by: The Word for the World

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-12-29

PDF generated using Haiola and XeLaTeX on 11 Nov 2022 from source files dated 29 Jan 2022

bbcfb90a-3ae3-5452-983d-6c4c02375929